



廣卓異記卷第十 臣下

一門二十三人封王 武承嗣



右按唐書天后朝武氏一門封王者二十三人承嗣魏王

三思梁王攸暨定王攸寧建昌王攸宜建安王攸緒安平

王攸歸九江王攸止恒安王攸望會稽王懿宗河內王嗣

宗臨川王尚賓河朔王重規高平王載德潁川王承已渤

海王敬道天水王延基南陽王延考淮陽王崇訓高陽王

崇敏清河王崇基宣城王延暉陳留王延祚咸安王 懿宗安撫

河北犯法者生取胆虐每如此

一代五王 李方叔 胡長仁

右按後魏書李方叔女為文成皇后有子五人詔封陳留

王峻封頓丘王 嶷封彭城王 雅封滎陽王 白封梁郡王 世號五王 李家

右按北齊書胡長仁兄弟以后族並封王 長仁隴東王 弟長懷建昌王 長咸濟陰王 長洪武德王 長陸汝陰王

五世封王 穆宗

右按後魏書穆宗子觀觀子壽壽子平國平國子罷五世襲封且都王故號穆氏五王

四世封王 長孫道生

右按後魏書長孫道生道生子旃旃子觀三世封上黨王觀子雅西魏馮翊王故號長孫氏四王

三世封王 陸侯

右按後魏書大將軍河南陸侯封東平王子麗封平原王

麗子定國封東郡王

五世侍中 陸英

右按吳書陸英英子玩玩子始始子萬載萬載子真並世為侍中

一門二中書今五侍中 謝密

右按宋書謝密黃門侍郎子莊中書令莊之子颺縉中太守颺之弟肅中書監肅之弟顯豫章太守顯之弟從從之子淪太傅淪之子覽中書令覽之弟舉侍中舉之子嘏侍中嘏之子儼侍中儼侍中僑侍中

三代為侍中 馮魴

右按漢書馮魴父子兄弟並帶青紫三代為侍中

兄弟四人迭為侍中 柳忱

右按南史柳氏兄弟十五人第二悛第三暉第四澄第五忱三兩年間四人迭為侍中復居方伯當世罕比

兄弟俱曾為侍中 楊恭仁

右按唐書楊恭仁並弟師遠俱曾為侍中

父子同時為尚書令中書令步騭

右按吳錄紀騰字子景皇時騰父亮為尚書令騰為中書令每朝會詔以雲母屏風隔坐

父子俱曾為中書令 王珉

右按晉陽春秋王珉為中書令珉父洽嘗為此官珉復繼

之時人以為奕世令望 先是王廙之以為中書令卒以珉

父子居上公 司馬字

右按晉書安平獻王司馬字為太宰其長子義陽成王望

為太尉父子居上公自中代未之有也 望曾為司徒代

兄弟俱為中書令 宗泰客

右按唐書宗泰客并弟楚客俱為中書令

三拜中書令 張說

右按唐書燕國公張說三拜中書令

代恩第為尚書令 樂廣 王戎

右按晉書樂廣為尚書右僕射代王戎為尚書令始戎薦

廣而終踐其位時人美之

廣卓異記卷第十

廣卓異記卷第十一

四世五人為三公 袁安

右按漢書袁安太僕卿為司空遷司徒安子敞光祿勳為司空敞子湯太僕卿為司空司徒太尉湯之逢屯騎校尉為司空逢弟隰太常卿為司空太尉

四世四人為太尉 楊震

右按後漢書弘農楊震八世祖僖封赤泉侯高祖敞為丞相父寶隱居不仕自孝安帝至獻帝七世父子並有德業震子秉秉子賜賜子彪自震至玄孫彪四世為太尉

四世四人為三公 竇巖

右按後魏書竇巖為司徒巖子畧少保畧子熾太傅畧孫

毅大司馬

三世四人為三公 宇文永

右按後魏書宇文永為太尉子測少保測弟深少師深子孝伯少冢宰

二世三人為三公 李冲 長孫稚

右按後魏書隴西李冲冲之子延寔延寔之子成三世三人並為司空

右按西魏書長孫稚為太師子紹遠為大司空紹遠子覽為大司徒

一門七人為三公 荀勗

右按晉書荀勗為司徒子藩太保組為太尉藩子邃為太保勗即漢司空爽之曾孫魏太尉堂曾孫晉太尉顗從祖兄子也

一門四人為三公 賀拔允

右按北齊書賀拔允為太尉弟勝為太師嶽為太尉勝堂弟仁為太師

一門三人為三公 于謹

右按後周書于謹為太師子寔司空寔弟翼太尉

四代為司徒太尉 王弘

右按晉書王弘瑯琊臨沂人曾祖導晉司徒父珣司徒弘至太尉孫僧達為太尉

屏風隔坐 第五倫 鄭弘

右按漢書第五倫為會稽太守舉鄭弘孝廉後弘為太
倫為司空班次之每朝見弘常曲躬自卑章帝問其故
遂置雲母屏風分隔其間青史美之

四辭僕射而後授荀顛

右按晉書荀顛代陳春為僕射領吏部四辭而授

三拜左僕射李程

右按唐書彭原公李程自河中節度使拜左僕射頃之領
汴州拜左僕射一歲鎮襄陽又拜左僕射自武德至長安
四年已前兩拜僕射為丞相其後以南省事踈方帶平章
之號然非耆德碩老有高名者莫得居焉程故三拜此官
不處於右振古為盛

一門三僕射常待價

右按唐書常待價為右僕射三從弟安石為左僕射再從
侄巨源為左僕射

四世為僕射封迴

右按後魏書封迴子隆隆子繪繪子德彛四世為僕射德
彛入唐

三世為僕射謝安

右按晉書謝安安之子琰琰之子混三世並為僕射

二世為令僕王述 孔愉

右按晉書中書令王述述子坦之坦之子瑜三世為中書
令兼僕射

右按晉書孔愉為僕射愉子安國為僕射孫靖為僕射兼尚書令

神告僕射李靖

右按小說李衛公始困於貧賤因過華山廟訴於神且請告以官位所至詞色抗厲觀者異之佇立良久乃去出廟門百許步後聞有大聲曰僕射好去顧不見人其後竟至端揆

白衣尚書 鄭均

右按後漢書鄭均為尚書澹泊無欲以病乞骸骨終不肯起章帝車駕幸均舍勅賜尚書祿終其身時人號為白衣尚書

五世為吏部尚書 何尚之

右按宋書何尚之子偃偃子戢戢子昌禹昌禹子敬容五世為吏部尚書

四世五人為吏部尚書 王敬恒

右按宋書王敬恒子瓚之延之瓚之子秀之秀之子俊之四世五人皆為吏部尚書

兄弟同時為左右丞 崔知悌

右按唐書崔知悌為左丞知悌之弟知溫為右丞兄弟同時對居二轄

從者荅神人曰魏公舒 魏舒

右按晉陽春秋魏舒少時嘗宿於野主人產子俄而聞車

馬聲有人問為男為女從者曰男也今書之年十五當以
兵死又問寢者誰曰魏公舒後十五年舒往問之所生子
果為斫桑斧所傷而死舒後果為三公是知人之爵祿前
定矣悲夫銳於名者如之何

贈童子木馬

段暉

右按北史段暉姑臧人漢太尉頰之後身長八尺餘師事
歐陽氏有一童子與暉同志後二年辭歸從暉請馬暉戲
作木馬與之童子甚悅謝暉曰吾太山府君子奉勅遊學
今將歸損子厚贈無以報德子後當至方伯封侯非報也
其以為好言終乘馬騰虛而去暉乃自知必將貴仕伏乞
熾盤為輔國大將軍涼州刺史遷御史大夫西海侯

白鬚翁神語

羅弘信

右按小說羅弘信初為本軍步射小校收圍魯宿魏州觀
音院院門外其地有神祠俗號曰白鬚公巫有宋千者忽
謂弘信曰夜來神有語君不久為此地主佗日復言之不
暮月軍變推弘信為帥累加至太尉封臨淄王

廣卓異記卷第十二

雜錄

宰相乘車入宮殿車千秋

右按漢書車千秋為丞相年老乘小車入宮殿號曰小車

丞相千秋自園寢郎論侯太子

三公乘小馬入東西臺李勣 許敬宗

右按唐書高宗龍朔三年移伏就蓬萊宮始御紫宸殿聽政五月司空李勣太子少師許敬宗入朝日聽乘小馬入東西臺仍令一卑官迎送時高宗改中書門下省為東西臺

侍讀腰鞶入內殿褚無量

右按唐書褚無量玄宗朝為右散騎常侍崇文舒學士侍

讀以年老每隨伏出入時許緩步特與造腰舉令內給使
昇於內殿或上居別館以路遠則命宮中乘馬上親自送
迎以申師資之禮

逸人不拜天子 盧鴻

右按唐書玄宗徵嵩山逸人盧鴻三詔至及謁見不拜磬
折而已問其故鴻曰臣聞老子云禮者忠信之薄不足可
依山臣鴻敢以忠信奉見上異之賜宴拜諫議大夫章服
並不受遂送還所居

父子草傳位冊書 賈魯

右按唐書睿宗傳位與玄宗賈魯草冊書天寶十五年逆
賊陷闕大駕巡狩至渭水父老擁肅宗不得去玄宗召魯

之子至草冊書今肅宗監國上謂至曰兩朝內禪典冊皆
出卿父子何大盛也

父子撰帝王父子實錄 沈既濟

右按唐書沈既濟為禮部員外郎撰德宗建中實錄子傳
師為吏部侍郎繼脩憲宗實錄未竟出鎮河南時詔成於
理所時論榮之

父子有榮廢功 李義府

右按唐書李義府以立天后之勲授封後子湛為羽林將
軍與張柬之廢天后以功開國時人以為父子勲業皆因
天后

今自揀拜相日 劉瑒

右按東觀奏記河東節度劉瑑在內署日上深器異大中十年手詔追之既至拜戶部侍郎判度支十二月十七日次對上以御案曆日付瑑令於下旬擇一吉日瑑不諭旨上曰但揀一拜官日即得奏二十五日佳上笑曰此日命卿為相泌世無知者高湜自集賢校理為鳳翔從事湜即瑑舊寮也二十四日辭瑑於私第湜曰竊度旬時必副具瞻之望瑑笑曰來日具瞻何旬時也湜驚不敢發詰旦果爰立矣始以此事泄於湜

三入承明廬 應瑑

右按文章錄曰應瑑博學善屬文嘗作百臺詩云問我何功德三入承明廬瑑初為侍郎又為常侍又為侍中故云三入

七代通顯 應順

右按漢中興初有應嫗者生四子而寡見神光照社試擇之乃得黃金自是諸子官學並有才名至瑒七代通顯應順將作大匠子疊江夏太守疊生柳武陵太守柳生奉從事中郎奉生邵車騎將軍瑒邵弟司空瑒珣子瑒為丞相

一人四事一同 鄭珏

右按五代史鄭珏十九舉及第名姓在第十九人登第後十九年為相於昆仲中又第十九聞者異之

二人四事相同 李摯 李行敏

右按據言唐貞元十二年李摯以宏詞振名與李行敏同
姓同年登第又同甲子及第時俱二十摯嘗荅行敏詩云
同緣三紀異契分四般同

衣錦還鄉買臣

右按前漢書朱買臣吳人家貧好書負薪歌道中妻羞衣
去嚴助薦買臣為中大夫東越反覆拜為會稽太守帝曰
富貴不還故鄉如衣錦夜行今子如何買臣辭謝遂乘駟
馬車去會稽聞太守至發民治道並縣長吏送迎車數百
餘車入吳界見故妻與夫治道買臣悉召故人與飲食有
恩者皆報復焉

賜錦袍還鄉魏元忠

右按唐書魏元忠為宰相神龍二年還宋州拜掃詔宰相
及諸司官長送於上東門給千騎四人充左右上幸白馬
寺以送之賜錦袍一領銀千兩制曰衣錦晝夜在乎茲日
散金數萬諒屬期辰元忠至鄉無所賑施議者非之

都門祖二疎疎廣

右按前漢書疎廣為兄子授蘭陵人地節三年立皇太子
廣為太傅受為少傅每朝進見太傅在前少傅在後父子
並為師傅朝廷以為榮在位五歲廣謂受曰吾聞足不
辱知止不殆功成名遂身退天之道也此而不去懼有後
悔豈知歸老故鄉即日父子移病上許之賜黃金二十斤
皇太子贈五十斤公卿大夫故人邑子祖道供帳東都門

外送者車數兩辭決而去觀者皆曰賢哉二丈夫歎息為之下泣其後張景陽詠史詩美之云達人知止足遺榮忽如無抽簪解朝衣散髮歸海隅

大臣歸鄉事 苗晉卿 丘為

右按說苑苗晉卿株訪河東歸鄉拜掃郡將宴苗使屬縣令行酒酒至苗必起身受杯立飲卒爵又市老獻酒苗降西階拜之而後飲時人稱之時自天官侍郎河東株訪使歸潞州壺關縣

右按說苑丘為庶子以常侍致仕歸江東縣令詣之必候門磬折西俟授坐必拜本鄉里晉在階下立立不敢坐令命之坐仍令執橙以授之時年八十將過縣門必降乘而趨鄉里美之

自相位至節度九表讓官 牛僧孺

右按唐文宗實錄牛僧孺為相三表求免出淮南一年六表讓官除東畿防禦使詔以疾辭榮誠嘉正足又改授左僕射中使送官誥往舊例留守除內官無送告身例及見稱疾不出沒除襄陽上欲留之僧孺懇辭出外召對數刻因賜觚散樽杓一盤二曰以鄉正人故賜古器先是僧孺相言太平無象至是思之僧孺自相位至節度凡九讓可以懲孽競之夫矣

讓太尉位與管寧 華歆

右按晉書先是華歆與管寧邴原相友善魏明帝即位以歆為太尉歆乃遜位讓寧徵命安車不起寧年八十環堵

廣卓異記
華門偃息窮巷吟詠詩書不改其樂惜位者銳進者讀書
至此不亦羞乎

廣卓異記卷第十二

廣卓異記卷第十三 臣下

兄弟同時為翰林學士 吳通微

右按唐書吳通微弟通玄貞元中同時為翰林學士承德
宗顧遇唱和歌詩批答表疏移院金鑿坡下有逾月不出
時詞臣之盛近無其比

兄弟相待為翰林學士 高元裕

右按唐書高元裕為翰林侍講學士拜御史中丞兄少逸
自諫議大夫代弟為翰林學士兄弟迭處內庭時人榮之
楊牧 兩代四人為翰林學士

右按唐書楊牧牧之子鉅鉅之弟嚴嚴之子汪兩代四人
為翰林學士

三代五人翰林學士中書舍人常貫之

右按唐書常貫之憲宗朝翰林學士中書舍人伯兄綾德宗翰林學士綬之子温遷翰林學士以父曾拜其職不就貫之子澳宣宗翰林學士澳之子庠僖宗中書舍人庠之弟

昭宗中書舍人翰林學士

同年五人同為翰林學士庾敬休 柳公權 李紳 韋表微 高鉞

右按唐書元和元年禮部侍郎崔邠下一榜放進士十三人其後庾敬休等五人長慶中為翰林學士

張沆 吳承範 湯鵬 江文蔚 范禹偁

右按五代史長興二年考功員外郎盧華下進士八人內

張吳湯盡為翰林學士江歸偽唐為翰林學士范入偽蜀

亦入翰林為學士

座主與門生同在翰林和凝 李澣

右按五代史長興三年翰林學士知制誥和凝知舉放進士十四人李澣及第未數載與座主同列內署和大拜制澣草之澣不俟和命其閣中器皿動用盡掎歸私室以為濡毫

封舜鄉二鄭致雍

右按五代史禮部侍郎封舜鄉梁開平三年知貢舉放鄭致雍狀元及第後舜鄉與致雍同授命入翰林為學士致雍有俊才舜鄉才思拙澁及試五題不勝困弊因托致雍秉筆當時議以為座主辱門生

王起 三周墀

右按唐書長慶二年王起自中書舍人知舉放進士周墀及第其後同在翰林會昌三年起自僕射再放榜時周墀任華州因寄詩賀起詩中叙同在翰林今故錄之詩曰
 文場三化魯如生二十餘年振重名魯忝木鷄誇羽翼又陪金馬入蓬瀛墀初年木鷄及第又雖欣月桂居先折更羨春蘭最後榮欲到龍門看風水關防不許暫離營起答曰

貢院離來二十霜誰知更忝主文場楊葉縱能穿舊的桂枝何死愛新香九重每憶同仙禁六義初吟得夜光莫道相知不相見蓮峰之下欲徵黃

門生為翰林學士撰座主白麻薛廷老

右按唐書凡及第人入為翰林學士者甚眾或座主先遊或座主官位不及於內制者惟薛廷老在翰林座主庾承宣拜充海節度使廷老為其詞時人榮之

使主未離鎮掌書記為翰林學士草加官白麻高璩

右按唐書大中年中白敏中為荆南節度使高璩試大理評事為敏中掌書記尋入拜右拾遺門一歲充翰林學士草敏中加太子太傅制乃賀敏中狀云去年草檄猶依劉表之門今日揮毫獲叙周公之德時人以為盛事

翰林學士自著綠賜紫馮道 陸贄

右按後唐書莊宗即位馮道自省郎充翰林學士由著綠

便賜紫

右按唐書陸贄十八進士及第并宏詞為翰林學士自著
 綠便賜紫德宗呼為陸九常晚御裳賜之至若不名呼則
 神堯皇帝呼裴寂為裴監呼蕭瑀為蕭郎則有之呼第行
 則未有其寵如是姜皎者玄宗在藩皎察上非常之度尤
 委心焉及即位常中宴私呼之姜七
 而不名

三度為翰林侍讀學士

柳公權

右按唐書柳公權元和十五年自右拾遺充翰林侍讀長
 慶二年改右補闕出太和二年自司封員外郎入至五年
 改右司郎中出太和八年自右司郎中入開成五年加散
 騎常侍出凡三入翰林為侍讀學士

天子謂學士曰加官之喜

裴諗

右按東觀奏記裴諗為學士一日加承旨上幸翰林諗寓
 直使中謝上曰加官之喜不與妻子相面得否便放卿且
 歸諗降階蹈謝却召上以御盤果實賜之諗以衫袖張授
 上顧一宮嬪傾下取一小帛裹之賜諗亦諗又度元和中
 君臣魚水之分遂於諗恩禮亦異焉

一夜草一十五將麻制

范質

右按五代晉書范質為翰林學士時戎王將圖南寇少帝
 徵外諸侯用兵因是觀其進退以去留之八月一日有制
 命一十五將以北京留守劉克為行營都統等是夜質直
 金門帝以制多令召別學士共草公奏曰今或夜開禁門

廣卓異記
必恐漏泄機密臣之罪也不若臣獨草遲明已封進訖付
外丞相於閣中覽制咸異之曰昔草五王制者傳作美談
今范公獨草十五將麻制真大手筆也質周太祖朝拜相

廣卓異記卷第十三

廣卓異記卷第十四 臣下

三世三人入北省 李懷遠

右按唐書李懷遠黃門侍郎平章事子景伯給事中景伯
子彭年中書舍人給事中

兄弟三人入北省 溫大雅

右按唐書溫大雅黃門侍郎弟彥博中書令彥將中書侍
郎與兄大雅同時為給事中中書舍人同侍為兩省侍郎
高祖曰我起義晉陽為鄉一門爾

父子三人中書舍人 韋安石 陸元方 崔融

右按唐書韋安石子陟弟斌俱為中書舍人 斌子
拾遺不起以起居郎徵半載棄官又以司封員外郎徵
疾元和初諫議大夫徵就官教月乞骸骨以廢子致仕軒

廣卓異詩
冕之家高尚自處四
徵終去時人美之

右按唐書陸元方子象先象先弟融俱為中書舍人時中

書舍人各一省世謂之四
戶呂文顯為之勢傾天下
右按唐書崔融子禹錫禹錫弟翹俱為中書舍人

四代中書舍人
李德林 張嘉貞

右按隋書李德林隋中書舍人子百藥百藥子安期安期
孫義仲俱為唐中書舍人

右按唐書張嘉貞子延賞延賞子弘靖弘靖子次宗四代
並為中書舍人

三代中書舍人
徐齊聃

右按唐書徐齊聃齊聃子豎豎子嶠三代為中書舍人

鳳閣王家
王易從

右按唐書王易從弟擇從朋從吉從昆仲四人開元中三
至鳳閣舍人故時人號為鳳閣王家

三王
王珣

右按唐書秘書監王珣與兄璵弟璿齊名並官至中書舍
人時人謂之三王

兄弟三人中書舍人
楊弘禮

右按唐書楊弘禮并弟弘武俱為中書侍郎

一家四人給事中
李處宜

右按唐書李處宜堂弟瑱再從弟顥顥弟令昌四人皆曾
為給事中

兄弟三任一同 孔若思

右按唐書孔若思為給事中弟仲思與兄自太府虞部負外郎并給事中三任並同是一府又同時列戟

兄弟對居兩省 劉禕之

右按唐書劉禕之為北門學士兄懿之為給事中兄弟並居兩省同為侍奉官論者美之

兄弟對居兩制 趙光逢 劉濤

右按唐書趙光逢中書舍人翰林學士弟光裔知制誥兄弟時對掌內外制命

右按五代史開運初劉濤拜中書舍人是時弟澣方任翰林學士昆仲分居兩制時人美之

六度入兩制 徐台符

右按五代史徐台符清泰中膳部員外郎知制誥其後兩憂去職又再入開運初入翰林又轉中書舍人尋陷蕃乾祐中又除中書舍人世宗初又入翰林歷禮刑兵三侍郎光職二十年間四登西掖兩入北門迭居玉之中亦儒者之奇也

三代四學士 于休烈

右按唐書于休烈集賢殿學士祖志寧十八學士休烈長

子益次子肅相繼為翰林學士休烈妻常氏卒代宗以文

給鹵簿鼓吹休烈卒自工部尚書贈儒行持贈國夫人葬日

兄弟三人學士 顏師古

右按唐書顏師古秘書監弘文館學士弟相時禮部侍郎
宗賢秦府二學士勤禮曹王发弘文館直學士

德宗拙出知制誥官 韓翃

右按小說韓翃佐李勉夷門之幕同院韋巡官一夕扣門
見韓曰負外除駕部郎中知制誥韓愕然常曰留邛狀報
制誥闕人中書取旨德宗批曰與韓翃時有與翃同姓名
者又具二人同進御筆批曰春城無處不飛花寒食東風
御柳斜日暮漢宮傳蠟燭青烟散入五侯家又批曰與
韓翃常曰此君詩也韓曰是也遲明李與僚屬皆至時建
中初也 翃有寵妓柳氏之事
許克佐撰傳甚詳

廣卓異記卷第十四

廣卓異記卷第十五 臣下

三司為司隸 趙興

右按漢書趙興下邳人不卹諱忌每入官舍輒更繕脩
宇穿移改築故犯妖禁而家人爵祿益用豐熾官至潁川
太守子峻太傅以才器稱孫安代三世皆為司隸時稱其
盛

子孫七人為廷尉 郭弘

右按漢書郭弘陽翟人家代衣冠太守冠恂以弘為決曹
掾折獄三十年用法寬平郡內比之東海于公年九十五
卒子躬明法律為廷尉躬中子暄至南陽太守躬弟子鎮
再遷中書令封定穎侯鎮長子賀累遷廷尉襲封樂成侯

鎮弟子禧為廷尉遷太尉禧子鴻至司隸校尉封安鄉侯
郭氏自弘後數代皆傳法律子孫公者一人廷尉七人侯
者三人刺史二千石諸中郎將二人餘人御史正卿監者
甚衆

三世為廷尉 吳雄

右按後漢書吳雄河南人以明法律桓帝時自廷尉致仕
司徒雄少時家貧母死葬之所封之地不下時日巫言族
滅而雄子訢孫恭世為廷尉

父子二人為御史大夫 杜周 竇德立

右按漢書杜周為御史大夫子延年為御史大夫居又官
府不敢當舊位坐卧皆易其處子緩太常鄉六弟五人至

大官少弟能歷五郡二千石三州牧

右按唐書竇德玄為御史大夫子懷貞亦為御史大夫
兄弟二人並拜御史大夫 李恒

右按唐書李恒自戶部尚書弟峴自京兆尹並拜御史大
夫俱判臺事自唐初以來兄弟並拜大夫未有其比是時
長安士庶皆賦詩以美其事

父子二人為中丞 李乾祐

右按唐書李乾祐與子德俱曾為御史中丞

王德儉 二

右按唐書王德儉德儉之子璿俱為御史中丞

張楚金 三

右按唐書張楚金與子倚俱為御史中丞

五世為河南尹

裴諝

右按唐書裴諝寬之子除河南尹乃曰此官諝家五世為之諝坐未嘗正位以寬厚和易為理

兄弟四職相代

常承慶

右按唐書常承慶長壽年中與弟嗣立相代為鳳閣舍人長安三年承慶又代嗣立為天官侍郎頃之又代為門侍郎四職相代時人曰大郎罷相二郎拜相中郎授嗣立黃門侍郎制曰芝蘭並秀見謝石之階庭騏驥齊驅有劉山之昆季又曰近者命茲鸞鳥已擢馮行總出芸局奄歸萬里永言荆樹坐折連枝眷彼恒山空餘一鳥俾遷榮於

阜蓋宜襲寵於黃樞

一家五人仕青宮

崔神基

右按唐書崔神基庶子弟神慶庶子神福庶子神慶子琳少保珪庶子詹事

一門三傳

劉承顏

薛綜

右按唐書開元中劉承顏與弟瑗瑗弟堪兄弟三人相繼為太子太傅仍帶銀青光祿大夫

右按吳書薛綜綜子瑩瑩子兼三人皆為太子太傅

父子三人為史官

劉子玄

右按唐書劉子玄散騎常侍脩國史子貺起居舍人修國鋪補闕脩國史三代為史官儒者榮之

唐書

子玄初欲為著作乃曰若博覽羣籍

非坊官不可辭元超為中書曰吾有三恨不以進士及第不娶五姓女不得脩國史餘無所恨是知史官不易得也

衣道服知史館事尹愔

右按玄宗實錄開元中以道士尹愔為諫議大夫集賢院學士兼知史館事賜朝散階愔辭詔許衣道服視事

九世有史傳王導

右按晉書王導導子洽洽子珣珣子曇首曇首子僧綽僧綽子儉儉子仲寶仲寶子規規子襲九世自有史傳

三代司業孔穎達

右按說苑孔穎達子志玄孫惠元代傳儒學善教胄子三代司業可謂盛哉

侍讀坐宣賜牀歸家王迴質

右按說苑王迴質自山東褐衣召拜壽王等侍讀蒙賜帛休禡衣衾等令迴質坐床上羅列所賜使金吾舁歸其家觀者如堵咸曰稽古之力也晉桓榮亦是

廣卓異記卷第十六

臣下

子代父為太僕卿 公孫敬聲

右按漢書公孫賀自太僕卿遷為丞相其子敬聲代父為太僕卿

父子三人為大鄉監 竇抗

右按唐書竇抗將作大匠子靜司農卿誕太常卿

父子兄弟四人為大鄉監 閻立德

右按唐書閻立德將作大匠子玄邃司農卿弟立行衛尉

卿立本將作大匠替為吏部尚書 立本善畫太宗召畫水

為愧報立本後與姜恪出禦吐蕃 立本閣外傳呼云畫師深

也右相宣威沙漠馳奮丹青三館學士故五臺令史明經

兄弟六人同至三品 崔邠

右按唐書崔邠弟邠郾鄆兄弟六人同奉朝請官皆至三品

三世執金吾 程知蓀 田仁會

右按唐書程知蓀為武侯將軍知蓀子處弼處弼子孝伯並為金吾將軍

右按唐書田仁會為武侯將軍仁會子歸道歸道子賓庭並為金吾將軍

三世將軍 薛仁貴 盧定興

右按唐書薛仁貴威衛將軍子訥左衛將軍訥子微羽林將軍暢金吾將軍

右按唐書盧定興武侯將軍子師德威衛將軍師端右衛將軍師昌金吾將軍師端子恒 右衛將軍

父子為武侯大將軍 趙道興

右按唐書趙道興父才隋右武侯將軍道興貞觀初歷武侯中郎將號為稱職太宗曰卿父為隋武侯將軍 有當時之譽卿今克傳子治可謂不墜家聲因擢 右武侯將軍其父時解署仍舊不改時人以為榮道興常白指其聽事曰此是趙才將軍廳今還使趙才見坐為朝野所笑傳為口實

三品要職 王及善

右按唐書上元二年以王及善為右千牛衛將軍上謂曰

唐書上元二年以王及善為右千牛衛將軍上謂曰

朕以卿忠謹故與卿三品要職他人誰得至朕所卿佩橫
刀在朕左右知此官貴否

與府主同為金吾 徐知仁

右按李同說苑張暉為京兆尹徐知仁為醴泉尉後張為

金吾而知仁四歲八改亦至金吾常惕息以奉張張接之

不失朋僚 孟温尹京兆宇文融尉富平後為鴻臚

孟為司農相見無舊禮甚為時議所短

右按唐書張文師與弟延師皆帶銀青延師弟儉師金紫

兄弟三人同時列戟人稱三 張家文師曾姪孫去奢少

府監去奢弟去逸光祿卿去逸弟去盈衛尉卿皆是銀青

階已上兄弟三人又再列三戟

右按唐書張沛沛弟洽洽弟陟兄弟三人並同時列戟 沛

潛知魏州沛同州洽衛州涉汴州又

右按唐書崔琳弟珪瑤伯仲至大官每宴集組印相 華

較盈門以一榻置笏猶重疊於其上自開元迄於天寶十

五年無中外總麻喪私第在東都並列祭戟當時號為三

戟 崔家 前後不同時 立戟者不書

子姪三人並授上桂國 劉仁軌

右按唐書劉仁軌伐新羅以功進爵為上公并子姪三人

並授上桂國州董光顯號其所居為樂成鄉三柱里仁軌

拜相時讓右僕射

廣卓異記卷第十六

廣卓異記卷第十七

七為大摠管帶平章事 魏元忠

右按唐書魏元忠自御史中丞拜相七為大摠管天兵道
天兵中道隴右道蕭關道三為靈武道並不去平章事兼
三作副元帥

代妻父為節度使 韋臯

右按唐書韋臯自鳳翔判官授殿中侍御史權領隴州立
殊功拜節度使朱泚卒入為金吾將軍臯妻父張延賞先
為西川節度使四年之內臯代領西川 臯生三日胡僧曰
長大必却坐蜀
因以武子為字

父子同時為節度使 韓弘 田弘正

右按唐書韓弘子公武俱立殊功弘任汴州節度使公武
麟州節度使弘弟克鄭漫節度使公武卒弘孫紹宗嗣為麟坊節度使

右按唐書田弘正子布俱立殊功弘正魏博節度子布涇
原節度又韓田二家當憲宗時遂為當代之榮或曰王智
興河中晏平靈武安得不書智遂興崔郡劫徐州晏平用
賄十萬得翔方其後坐賊黜永州司戶安可與韓田二家
為比

子四人俱任節度使 李晟

右按唐書西平王李晟立收城之功其後四子皆秉節旄
愿夏徐鳳翔汴河中憲廣洪勳唐廣隨襄陽鳳翔徐博聰
鄂靈夏并并滑魏邠寧徐鳳翔河中晟勳愿皆任鳳翔聰
又任時人榮之聰七

歲為協律入公署吏肯小之不為致禮聽鞭之見血西平大奇之

三人皆當為方伯 沈攸之 孫超之

右按南史沈攸之微時與吳人孫超之全景文共乘一
都引船過津有一人而相之曰君三人皆為方伯復謂
攸之曰苟有不驗便是相書誤耳後攸之為荆鄂二州超
之為廣州景文為南豫州

四世為本郡太守 孔愉

右按晉書會稽孔愉愉子安國愉孫靖靖二子山
靈符
四五人為本郡太守

四世為本郡刺史 畢象敬

右按後魏書東平畢象敬子元賓元賓子祖暉祖暉子義

雲四世為本郡刺史衆敬致仕後元賓為之

三世坐益州 周訪

右按晉書汝南周訪訪子撫撫子楚三世為益州刺史

三坐坐蒲州 崔義玄

右按唐書靖兵公崔義玄子神基孫琳三世為蒲州刺史

三世坐平盧 薛楚玉

右按唐書薛楚玉為平盧節度使曾孫平亦為之 薛仁貴

楚玉子高昭義節度高子平兩鎮滑州一鎮平盧

父子坐興元 鄭餘慶

右按唐書鄭餘慶鎮興元創儒宮學館子澣又鎮興元復

繼前美 先是餘慶自外入覲澣時為補闕憲宗曰鄉之令子朕之直臣更相賀遂遷起居舍人

大馮君小馮君 馮野王

右按漢書馮野王弟立相代為上郡守民歌曰大馮君小

馮君兄弟繼踵相因猶政如魯衛德化均

大雍州小雍州 常慶遠

右按後魏書常慶遠弟暉業兄弟繼為雍州刺史時號大

雍州小雍州永徽之後盧承慶承業兄弟相代為雍州長

史時人亦稱大小雍州在京城有牧守皆親王兼領而長

史最為官長與今京兆尹同

大鄭公小鄭公 鄭祖述

右按北齊書鄭祖述為光州刺史父道昭先時亦為光州

刺史民歌曰大鄭公小鄭公相去五十載風教猶尚同

父子交代為刺史 常康

右按漢書常康代父端為荊州刺史父出傳舍子入居州時人榮之

兄弟前後為一州刺史 夏侯曹 賈敦頤 楊播

右按晉書夏侯曹弟熹皆曾任豫州刺史人歌曰我之有州賴有夏侯前兄後弟布政優優

右按南史楊播為華州刺史後弟津亦為華州刺史當世榮之

右按唐書賈敦頤弟敦實貞觀中為饒陽令有能名時制大功以上不得聯職敦實兄敦頤復為瀛州刺史朝廷以其兄弟廉謹特令同州時人榮之後敦頤與敦實前後俱

為洛州刺史百懷其政惠樹碑於 頌其德政兄弟雙

建時人呼為棠棣碑

父子三人旌節坐本郡 李全忠

右按唐年補錄李全忠本范陽人子匡威匡威弟 傳父

子三人相繼擁旌節坐本郡 全忠乾符末為棣州司馬有

別駕張建章建章日昔符洪池中蒲生九節為瑞乃姓蒲

子孫昌盛况 節也合生陂澤而生于室非常也君必

分節之貴三節者傳節 果如其言 舉主與孝廉相代 范律明 傳燮

右按後漢書靈帝時范律明知人舉傳燮孝廉及燮為漢陽太守與律明交代合符而去鄉邦榮之

廣卓異記卷第十七

廣卓異記卷第十八 雜錄

就和第注官 裴光庭

右按唐書僕射裴光庭罷相知選朝廷優其年德令就私第注官自宣平坊引士子以及東市兩街時人以為盛事兄弟並導驕而行 張纘

右按梁書舊制僕射中丞坐位東西相向時大同四年元日大會張纘為中丞先纘為僕射及百官就列兄弟並導驕而行分驕兩塗前代未有時人祭之

徵光寺錢 韓滉 張正元 王宗

右按國史補韓滉為宣武節度使張正元為邕館經畧使王宗為壽州刺史皆自大理寺移牒徵光寺錢相繼而至

寺監以為榮

父子並命 趙宗儒

右按唐書趙宗儒自陸渾主簿拜右拾遺充翰林學士時父驊改秘書少監與父並命出于中旨當時榮之宗儒後罷相拜吏部侍郎德宗勞之曰知卿開關六年故有此拜曩與先君並命尚念之耶宗儒俯伏流涕

荀氏八龍荀儉

右按荀氏譜荀儉漢侍中儉之父儉之弟緄為漢南相緄弟靖或問汝南許邵曰靖爽孰賢曰二人皆玉也慈明外光叙朗內潤靖隱身脩學動必以禮太尉徵不就年五十五靖弟壽舉孝廉年七十壽弟汪昆陽今年六十汪弟爽公車徵為平

原相遷光祿勳司空出

十五日遂登台司年六

十三爽弟肅守武陽今年五十肅弟專司徒年七十朗陵令賴川荀季和之八子並有德業時人號之八龍並在四豪里渤海苑康知名士也時為賴陰令美之曰高陽氏有子八人遂改所居為高陽里

比荀氏八龍 崔瑄

右按唐書同州刺史崔邠有子七人皆至達官時人比之荀氏八龍長曰瑄工部侍郎弟珙宰相太子少師瑒郡刺史瑒刑部尚書與兵部侍郎子澹吏部侍郎孫遠拜相球尚書郎珣史官曰崔氏咸通軌符之間昆仲子弟曳組拖紳歷臺閣踐藩嶽者二人餘人大中以來盛族時推甲焉

五絕 虞世南

右按唐書太宗嘗命寫列女傳裝屏風於時無本世南暗書之一無遺失上出行有司請載書帝曰不須虞世南在此行秘書也嘗臨朝稱世南一人遂兼五絕一曰博聞二曰德行三曰書翰四曰詞藻五曰忠直及卒上曰石渠東觀之中無復人矣又為詩一篇追思往古興止之事既歎曰鍾子期死伯牙不復鼓琴朕之此篇將何所示因命褚遂良詣其靈帳讀而焚之其見重如此

鬼謠 錢起

右按唐書錢起吳人工五言詩初從鄉薦寄居江湖嘗於客舍月夜獨吟聞人吟於庭中曰曲終人不見江上數峰

青起愕然攝衣而視之無所見矣以為鬼怪而誌其十字及就試之年座主李暉試湘靈鼓瑟詩題中有青字起即以鬼謠十字為落句暉深嘉之稱為絕唱是歲及第其省試詩曰

善鼓雲和瑟嘗聞帝子靈馮夷空自舞楚客不堪聽雅調
 淒金石清音發杳冥蒼梧來怨慕白芷動芳馨沅水
 浦悲風過洞庭曲終人不見江上數峰青

文士聲音播蠻夷 張文成 蕭賴士 馮定

右按唐書張文成下筆成篇七應舉四參選制策皆登甲科負半千曰張子之文如青銅錢萬中揀萬未聞退時時人號為青錢學士久視中太常令馬仙童 默啜問文成

何在仙童曰自御史貶官默啜曰此人何不用而後新羅使人就寫文章而去其才名遠播如此

右按唐書蕭頰士字茂挺聰俊一覽無遺嘗有新羅使至云願得蕭夫子為國師其聲名遠播如此

右按唐書諫議大夫馮定長慶中源竈使新羅見其國人傳寫定所為碑記又韋林符之使西番也見其國人寫定商山記以代屏障其文播於戎夷有如此者

將士割股祭長帥

烏龍

右按唐書烏僕射為將帥討蔡州日有蔡將李端來降其妻為賊縛於樹鬻食至死絕猶叫其夫曰善事

其

得人心如坎鳥自行間至長帥赤心奉上能下同甘苦不

功勳善待寮佐當時名士咸願依焉病時將士割股以

療後有將士二十餘人皆割股以祭焉古之良將無以

加也今錄於卷中以為將帥之元龜也

胡雛異事 石勒

右按晉陽春秋石勒羌種乞翼伽之子勒初生赤光滿室

白氣自天屬於庭中所居武鄉山草木皆作鐵騎之形每

耕聞鞞鼓之聲年十七倚上都門王夷甫見而之曰此

胡雛聲貌有奇志不殺為天下患東瀛公賣師歡勒耕

田逢一父老曰君魚龍際上四道已成當貴為人主汲長

桑命勒以石為姓以勒為名僭帝位稱後趙十五年

導母舉太常閔樂

崔劭

唐書崔邠授太常卿故事大卿初上院四部樂於官署觀者縱焉邠自私第去帽親導母舉公卿逢者為迴避之衢路以為榮

婦人衣冠貴盛苗夫人

右按唐書苗夫人其父太師也其舅張嘉貞宰相也其夫延賞宰相也其子弘靖宰相也子婿韋臯太尉也

父子忠烈 袁憲

右按李同說苑文皇謂岑江陵曰梁陳名臣子弟有堪引者否對曰隋師入陳百司奔散惟袁憲在主旁王克受越王禪憲子承家為給事中託疾不署 此父子足稱忠烈於是拜承家弟承序為晉王文學

一門忠孝 卞壺

右按晉書卞壺為領軍將軍蘓峻反苦戰死時二子眵眵見父沒相隨赴賊同時見害眵眵母裴氏撫二子曰父為忠臣汝為孝子夫何恨哉徵士翟陽聞而歎曰臣死於君子死於父忠孝之道萃其一門臣史嘗聞封德彝世南子死於父忠孝之道萃其一門臣史嘗聞封德彝世南蕭勗而請待許心之死敬宗自以求生即不知敬宗為儒讀書曾見卞氏之事乎而敢盜居丞相之位天何容乎神何休乎

三代旌表門閭 楊氏

右按楊炎列傳炎鳳翔雍人也曾祖大寶唐初宰龍門劉武周陷晉大寶不屈節遇害贈全節侯祖哲有孝行旌表門閭父播高蹈山壑志慕巢由玄宗徵以諫議大夫棄官

就養又表門閭肅宗加散騎常侍號玄靖先生炎汧雍間
號為小楊山人初為河西書記罷副元帥李光弼奏為判
官不起肅宗徵起居舍人辭祿就養丁父憂廬於墳有紫
芝白雀之祥又表門閭孝著三代門樹五闕古未有也

叱麋之聲聞數十里 尹氏

右按錄異傳周時尹氏貴盛五葉不別會食家數千人遭

饑荒羅鼎作麋叱之聲聞數十里

三使相 孫德昭 董彥弼 周承誨

右按唐年補錄光啓三年樞密劉季述王仲山冊昭宗為
太上皇以德王裕監國欲殺崔胤崔密以蠟絹致意告州

使孫德昭德昭結清遠都督董彥弼周承誨以除夜伏

兵安福門外金吾亭子至元日仲山至遂斬之次擒季述

等三將引兵至少陽院告以反正攜山首進帝毀扉出御

長樂樓受百官賀遂斬季述王道弼薛握四家並亦族制

以德昭領靜海軍承誨管彥弼管並賜扶傾定難功

臣檢校太保同中書門下平章事各賜金帛數車所有珍

玩咸竭而與之目曰三使相時人榮之後宴保寧殿製曲

樊噲救君 難以襲衣

廣卓異記卷第十八

廣卓異記卷第十九

七榜院 崔邠

右按登科記元和二年崔邠為禮部侍郎連放二榜又元和六年邠之弟邠為禮部侍郎連放二榜元和十四年邠之弟鄆為禮部侍郎放一榜大中七年邠之子瑤自中書舍人為禮部侍郎又放一榜崔氏六榜皆刻石於常樂街泰寧寺時人謂之曰榜院瑤後為陝州長史其詞曰惟爾諸父自元和代于尔躬五十年間四主文柄上下六載輝耀一時克於庭臣皆汝門生天下以為盛咸通十四年邠之三子瑾自中書舍人拜禮部侍郎又放一榜乃命門生常庠刻石將飾七榜

攜門生迎家君 楊嗣復

右按據言寶曆年中楊嗣復相公具慶下繼放兩榜時先僕射自東洛入覲嗣復率生徒迎於潼關既而大宴於新昌里第僕射與所執坐正寢公鎮諸生翼坐於兩序時元白俱在皆賦詩於席上惟刑部侍郎楊汝士詩後成元白覽之失色詩曰

隅座應須賜御屏盡將仙輸入高冥文章舊價留鸞掖桃李新陰在鯉庭再歲生徒陳賀宴一時良史盡傳聲當年踈傳雖云盛詎有茲筵醉醪醴汝士其日大醉歸謂子弟曰我今日壓倒元白

門生引門生謁座主

崔瑗 馬裔孫

趙隱 裴皞

右按唐書禮部侍郎崔瑗大和六年知舉放趙隱及第至咸通七年隱自翰林學士出拜禮部侍郎知舉瑗為禮部尚書隱放榜後攜門生詣相國里謁瑗集於永崇南街龍興觀前進士韓哀以下題云集此從座主侍郎赴團起居大座主尚書

右按五代史同光二年三年四年禮部侍郎裴皞連放三榜放馬裔孫及第後未踰九年裔孫自翰林學士禮部侍郎以舉放進士十三人乃引門生謁謝皞皞時為兵部侍郎致仕因書一絕句曰

宦途最重是文衡天與愚夫立盛名三主禮闈皆八十門生門下見門生時人榮之

及第與長行拜官相次 崔昭矩 王侗

右按據言崔昭矩大順年中裴公下狀元及第翌日兄昭
緯登昭緯中和三年亦狀元及第

右按據言王侗是魯公損之子侗及第翌日父損登侗過
堂日別見

門生先於座主佩金魚 李石

右按唐書李石元和十三年及第後二年賜緋又二年賜

紫自釋褐四年內賜緋又賜金紫至長慶二年座主庾承
內難服闋除尚書右丞始賜金紫石乃選紫衫鑄金魚
獻焉議者稱之

兄弟六人進士及第 常述

右按登科記常述并弟迪道迴坦等六人皆進士及第

八家八人並進士及第 趙不器

右按登科記趙不器子夏日冬曦和璧安貞居貞頤貞

貞父子八人皆進士及第內冬曦安貞神龍二年考功崔

彥昭下兄弟二人及第時人謂之科第趙家

一家六人並進士及第 蔣挺

右按登科記蔣挺二子洌渙挺弟播播子準洌子鍊一家

父子孫六人並進士及第

兄弟七人並進士及第 張琪

右按登科記張琪弟環璜珮琬琚瑗兄弟七人並進士及

第後琪為弘文館學士環集賢學士

兄弟四人皆進士及第常無欲

右按登科記常無欲并弟無為無名無求皆進士及第無欲無名又拔萃入高等

兄弟五人進士及第趙祝

右按登科記趙祝弟哲格搏揲五人皆進士及第

兄弟三人同年及第李義琛

右按登科記李義琛弟義琰從弟上德三人武德六年進士及第時一榜四人而李氏昆季三人自有舉場以來兄弟相次擢第即多若同年即無以盛義琛官至中書侍郎

義琰工部侍郎上德司門郎中

兄弟二人制舉同年登科韋夏鄉

右按登科記大曆年中宣政殿試茂異登科十人韋夏鄉

弟正鄉俱登科入高等

兄弟同年童子及第蕭同和

右按登科記開元十七年荊州解童子蕭同和并弟同歡俱及第

父子狀元及第歸仁紹仁澤

右按登科記歸仁紹咸通十年狀元及第子脩光化四年

亦狀元及第

右按登科記歸仁澤乾符元年狀元及第子黯大順三年

亦狀元及第

兄弟三人俱狀元及第孔緯

右按登科記孔緯大中二年狀元及第第繹咸通十四年狀元及第緘乾符三年狀元及第

兄弟二人狀元及第 楊憑 于珪 楊贊禹

右按登科記楊憑大曆九年狀元及第弟凝大曆十三年亦狀元及第

右按登科記于珪大中三年狀元及第弟瓌大中七年狀元及第

右按登科記楊贊禹大順元年狀元及第弟贊 乾 四年狀元及第

進士狀元却為宏詞頭 李珣 陳諷 李程

右按登科記李珣開元二十二年進士狀元及第當年中詞頭登科

右按登科記陳諷貞元十年進士狀元及第當年中詞頭登科

右按登科記李程貞元十二年進士狀元及第十三年宏詞頭登科

右按登科記張又新元和九年進士狀元及第十二年宏詞頭登科

進士狀元却為拔萃頭 王闕

右按登科記王闕天寶元年進士狀元及第八年拔萃登科

進士狀元却為制舉頭 崔元翰

右按登科記崔元翰建中二年進士狀元及第貞元四年賢良方正直言極諫頭登科

九登科選 馮万石

右按登科記聖曆九年進士及第大定元年嫉惡科神龍二年才高位下科景雲三年懷能抱科開元二年重考及第六年超拔群類科十三年考判入等十六年又判入等二十六年文詞壯麗科凡九度登科選

七登科選 張秀明

右按登科記張秀明景雲二年進士及第三年超群沅科開元二年重考及第七年超拔群類科八年吏部考入等十九年又判入等二十三年宰牧科凡七登科選

選

三世十三榜十四人 第 趙存約

右按趙氏科名錄存約之子隱拜相乃撰此錄云三世十三榜十四人登科內光啓三年故柳大夫榜再從弟兩人同年即昌翰光庭也內三人知貢舉

廣卓異記卷第二 神仙

全家登仙 許真君

右按摠仙記許真君名遜汝南人祖琰父肅世慕道晉護軍長史穆皆真君之族子穆家祖孫亦得僊真君為旌陽縣令棄官入道道成晉元康二年八月十五日玉真命玉直上公崔文子太玄真鄉段兵仲冊為九州都仙大使封玄都御史賜玉膏靈丹鳳車龍輦絲雲四合舉家四十二口拔宅上昇錦帳自雲中情於故宅今其地有遊帷觀存焉

潛山真君二

右按真人是 臣史之遠祖按摠仙記真人名子長齊人少

好道到霍林遇仙人韓象受靈寶符傳巨勝赤杯散真人服藥年百八十歲色如少女妻子九人皆服此藥入勞盛山昇仙住方丈之室神州受太玄生錄以五芝為糧太上補為脩門郎位亞神次唐玄宗夢二十八仙稱是二十八宿內真人是星宿於潛山得道號潛山真君

何侯三

右按摠仙記何侯者堯時隱蒼梧山慕長生三百餘口耕耘舜南狩止何侯家大帝五老來謂舜曰昇舉有期翌日五帝下迎舜白日上昇天五帝以藥一器與何侯使投酒中一家三百餘口飲不竭以餘酒洒屋宇拔宅上昇天位為太極仙侯今九疑山有何侯廟在舜廟側

三世六人登仙 樂淨信

右按定志經昔過去恒沙之數久遠劫時有賢信道民姓樂名淨信常以資財供養山中道士終後證為元始天尊妻為中侯太夫人子法解夫妻不違先君之教為左玄真人法解妻及證為右玄真人其二兒胤祖次祖小名阿奴俱為飛共乘雲輶以詣天尊之所

五世十二人登仙 許肇

右按摠仙記許肇長史七世祖也 不知得道時在鄴都為東明公右師晨六代孫副為南彈方侯今為九宮仙也副之第三子邁得道入蓋竹山為地仙副之第四子穆晉護軍長史入華陽洞得道為八鄉仙侯署為上清真人

長史穆第子聯名靈芝與山中許道士不與人許
王斧為侍帝晨仙翁鄰之為地仙穆之孫氏穆妻陶小名
斗得孫女娥皇娥皇妹道育黃民弟孫女瓊輝真誥日並
度也

四世六人登仙 張子房

右按摠仙記張良字子房五世相韓良遇黃石公為漢丞
相十三年穀成山下得黃石願棄人間事欲從赤松子遊
乃學道服金丹告終并黃石葬焉赤眉亂人發其墓但見
黃石化而飛去不見其屍良登仙為太玄童子後老君於
太 中孫道陵得道朝崑崙之夕良在焉六代孫道陵白
日上昇為正一真人三天大法道陵妻孫氏夫人於雲臺
山後一岸上昇道陵子衡南平解化上昇衡子魯獻帝時

為梁益川二牧於太白南峰斗山解化後姜維屯軍蜀西
山與魯相見在紅霧中衡女玉蘭夢光中金字篆文入口
其後有一物如蓮花出乃金書本際經十卷死葬百日風
雷失經及墳壙自開而已今益州温江女郎觀是也三月
九日玉蘭上昇日鄉里乃設齋

祖孫四人登仙 茅濛

右按摠仙記茅濛字初成咸陽人隱華山脩道當秦始皇
三十一年九月龍駕白日昇天先是時有巴謠曰神仙
者茅初成駕龍上昇入太清時下玄州戲赤城繼世而往
我盈始皇聞之問故老曰此仙人之謠始皇於是
之志濛之玄孫盈得道於金陵句曲山昇為東嶽

司命真君太元真人居赤城時來句曲邦人改句曲為茅
君山弟固武威太守固弟 河內太守二弟聞兄得仙乃
棄官從兄學固為句曲真人定得右禁郎治句曲山震為
保命地仙主司三官當時父老里信敬曰
茅山連金陵江湖據下流三君乘白鶴各治一山頭召雨
早田陸地亦復收妻子保堂室使我無百憂白鶴翔青
天何時復來遊三君往曾各乘白鶴而集此山 時人
見之際形於歌 乃立廟於山東呼為白 而不知司
命君已東之赤城也

一家七人登仙 王子喬

右按摠化記王子喬周靈王之子晉也好吹笙作鳳凰鳴

遊伊洛之間道士浮丘公接以上嵩高山四十餘年後

山中見桓良曰告我家七月七日待我於緱氏山頭至是

果乘白鶴鞋山顛望之不得到舉手謝時人數日而去時

有童謠曰王子喬好神仙七月七日上賓天白虎 琴鳳

吹笙乘雲鼓氣吹日精長不歸秋山冷 為

桐栢真人右弼王領五嶽司侍子喬妹道香周靈王第三

女宋姬之子於子喬為別生妹也 俱入陸

道香受書為紫清宮傳妃領東宮 夫人子喬兄弟七

人得道五男二女眉壽亦得道郡國至廬陵太 有玉山

即子喬曾控鶴於此早即祈雨禱祈時有人誤喚奴者即

無兩相傳云子喬既為仙奴附於以為神至今陽烈民之

為諱

兄弟四人登仙 郭四朝

右按摠仙記郭四朝燕人兄弟四人求茅山學道並得仙
四朝是長兄司三官六年無違遷九宮左仙翁 王臺執
蓋侍郎今茅山下有地名曰郭千者是四朝 宅使人種
植處登仙後復憶舊居時來宴朋友

兄弟七人登仙 匡俗

右按摠仙記匡俗周武時人兄弟七人皆有道術結廬
此中後得仙去空廬尚在故曰廬山漢武帝封俗為大明
君又稱廬山君

西王母女五人俱為仙官

華林 瑤姬

媚蘭 玉真

青娥

右按西王母神仙書姓何氏字婉妘一號太虛九光龜
金母也第三女華林字容真為後聖上保司南極元君紫
微夫人治長離山太丹宮第十三女媚蘭字中林為雲林
右英夫人治滄山雲林宮降嬪於上清左姪仙侯 真人
第二十女青娥字愈音為紫微左宮夫人 玄壘山在昆
崙山東北第二十三女名瑤姬為雲華上宮夫人理玉英
臺曾遊巫山小女玉真夫人降嬪玄都太真王養女是何
參軍之女王母使事劉 於 問所得手 以下闕

中累鷄舌香巾乃是火浣布

預知玄女神君

道士王遠知

右按唐書道士王遠知師梁陶先生傳符籙太宗潛龍時
與房玄齡往謁遠知指秦王曰上應天命下濟蒼生指玄
齡曰聖君之輔也尋入少室山年一百二十六歲臨終謂
子紹業曰汝年六十五當謁金闕聖后七十當逢玄女神
君紹業以其言奏之至年六十六遇高宗垂拱初年七十
遇天后朝召見加贈遠知金紫光祿大夫其豫知如此



書



